

**JAVNO PREDUZEĆE "VODOVOD I KANALIZACIJA" d.o.o.
ZENICA**

Nadzorni odbor

Broj:100- 4951-1/23 ŠS
Zenica, 27.04.2023. godine

Na osnovu člana 22. Statuta Javnog preduzeća "Vodovod i kanalizacija" d.o.o. Zenica („Službene novine Općine Zenica“, br. 5/06, 3/07, 07/07, 1/12 i „Službene novine Grada Zenica, broj: 3/15, 6/21 i 3/23), Nadzorni odbor Javnog preduzeća "Vodovod i kanalizacija" d.o.o. Zenica na 17. sjednici održanoj dana, 27.04.2023. godine, donosi

ZAKLJUČAK

**o utvrđivanju teksta Izvještaja o radu Nadzornog odbora Javnog preduzeća
"Vodovod i kanalizacija" d.o.o. Zenica za 2022. godinu, sa ocjenom stanja u
preduzeću i ocjenom direktora preduzeća**

I

Utvrđuje se tekst Izvještaja o radu Nadzornog odbora Javnog preduzeća "Vodovod i kanalizacija" d.o.o. Zenica za 2022. godinu, sa ocjenom stanja u preduzeću i ocjenom direktora preduzeća, broj:100-4951/23, iz mjeseca aprila 2022. godine, u tekstu koji je sastavni dio ovog Zaključka.

II

Zadužuje se Uprava JP „ViK“ d.o.o. Zenica da Izvještaj iz tačke 1. ovog Zaključka dostavi Gradonačelniku Grada Zenica, koji vrši ovlaštenja Skupštine preduzeća, na razmatranje i usvajanje.

III

Ovaj Zaključak stupa na snagu danom donošenja.



**PREDSJEDNIK
NADZORNOG ODBORA**

Korlat Emir

Korlat Emir, dipl.ing.

DOSTAVLJENO:

- 1 x Gradonačelnik/Skupština preduzeća
- 1 x Sektor za javna preduzeća i javne ustanove
- 1 x Služba za vodoprivredu, putnu infrastrukturu i mjesne zajednice
- 1 x Direktor preduzeća
- 1 x Pom.dir. za ekon. i pravne poslove
- 1 x Služba za kadrovske i opšte poslove
- 1 x Uz zapisnik NO-a
- 1 x a/a

**JAVNO PREDUZEĆE „VODOVOD I KANALIZACIJA“ d.o.o.
ZENICA
NADZORNI ODBOR**

IZVJEŠTAJ

**o radu Nadzornog odbora Javnog preduzeća „Vodovod i kanalizacija“ d.o.o.
Zenica za 2022. godinu
sa Izvještajem o radu i ocjenom rada direktora Javnog preduzeća
„Vodovod i kanalizacija“ d.o.o. Zenica za 2022. godinu**

Zenica, april 2023. godine

Na osnovu člana 234. tačka d) Zakona o privrednim društvima („Službene novine Federacije BiH“, broj: 81/15 i 75/21) i člana 22. Statuta JP „ViK“ d.o.o. Zenica („Službene novine Općine Zenica“, broj: 5/06, 3/07, 07/07, 1/12 i „Službene novine Grada Zenica“, broj: 3/15, 6/21 i 3/23), Nadzorni odbor JP „ViK“ d.o.o. Zenica, Gradonačelniku Grada Zenica, u funkciji Skupštine Javnog preduzeća „ViK“ d.o.o. Zenica, podnosi sljedeći:

I Z V J E Š T A J

O RADU NADZORNOG ODBORA JP „ViK“ D.O.O. ZENICA ZA 2022. GODINU, SA OCJENOM STANJA U PREDUZEĆU I OCJENOM RADA DIREKTORA PREDUZEĆA

A) IZVJEŠTAJ O RADU NADZORNOG ODBORA

Dana, 22.09.2021. godine Gradonačelnik Grada Zenica, donio je Rješenje o imenovanju Nadzornog odbora Javnog preduzeća „Vodovod i kanalizacija“ d.o.o. Zenica, broj: 02-45-19238/21, kojim je imenovan Nadzorni odbor JP „ViK“ d.o.o. Zenica u sastavu: Haris Mahić, diplomirani pravnik, Muamer Arnautović, diplomirani ekonomista i Emir Korlat, diplomirani inženjer metalurgije. Mandat članova Nadzornog odbora je od 22.09.2021. godine do 21.09.2025. godine.

Korlat Emir je izabran za predsjednika Nadzornog odbora JP „ViK“ d.o.o. Zenica na 1. konstituirajućoj sjednici, održanoj dana, 29.09.2021. godine.

Član Nadzornog odbora, Mahić Haris, dipl.iur., dana 27.10.2022. godine na protokol JP „ViK“ d.o.o. Zenica dostavio je Ostavku na mjesto člana Nadzornog odbora JP „ViK“ d.o.o. Zenica, u kojoj je naveo da zbog privatnih obaveza više nije u mogućnosti adekvatno obavljati funkciju člana Nadzornog odbora.

Rješenjem Gradonačelnika o razrješenju dužnosti člana Nadzornog odbora JP „ViK“ d.o.o. Zenica, broj: 02-45-22385/22 od 02.11.2022. godine, član Nadzornog odbora Mahić Haris razriješen je dužnosti, zaključno sa danom 01.11.2022. godine.

Privremeni član Nadzornog odbora, gospođa Biogradlija Jasminka, diplomirani metalurški inženjer, imenovana je Rješenjem Gradonačelnika, broj: 02-45-23432/22 od 15.11.2022. godine.

Rješenjem o imenovanju člana Nadzornog odbora, broj: 02-45-1213/23 od 23.01.2023. godine, za stalnog člana Nadzornog odbora imenovana je gospođa Biogradlija Jasminka. Imenovanje člana Nadzornog odbora vrši se na period do isteka četverogodišnjeg mandata Nadzornog odbora Javnog preduzeća „Vodovod i kanalizacija“ d.o.o. Zenica imenovanog Rješenjem Gradonačelnika Grada Zenica, broj: 02-45-19238/21 od 22.09.2021. godine.

Osnivanje, djelokrug rada, prava i odgovornosti Nadzornog odbora, utvrđeni su Zakonom o javnim preduzećima u FBiH, Zakonom o privrednim društvima, Statutom preduzeća, te Poslovníkom o radu Nadzornog odbora.

Na sjednicama Nadzornog odbora, u skladu sa navedenim aktima, razmatrana su najznačajnija pitanja o radu i poslovanju JP „ViK“ d.o.o. Zenica.

Obavljajući svoju funkciju u skladu sa Zakonom o privrednim društvima, Zakonom o javnim preduzećima i Statutom JP „ViK“ d.o.o. Zenica, Nadzorni odbor je u izvještajnom periodu održao 9 redovnih sjednica, a nije održana ni jedna vanredna sjednica. Također, nije odložena ni jedna od sjednica Nadzornog odbora zbog odsutnosti članova Nadzornog odbora.

Članovi Nadzornog odbora su zajedno sa Upravom preduzeća aktivno učestvovali u rješavanju svih problema koji su se u proteklom periodu našli pred njima, a sve u cilju neometanog vodosnabdjevanja građana Zenice i ostvarivanja što boljeg poslovnog rezultata preduzeća.

Nadzorni odbor je bio upoznat sa svim problemima i zadacima koje je preduzeće rješavalo, te je zajedno sa Upravom radio na ostvarivanju pozitivnog finansijskog rezultata, a time i planiranih rezultata poslovanja i investicionih ulaganja.

Planovi poslovanja i izvještaji o poslovanju su rađeni veoma transparentno i predstavljali su solidnu osnovu za kreiranje, usmjeravanje i operacionalizaciju poslovne politike.

Najveću pažnju Nadzorni odbor je posvećivao urednom izvršavanju osnovne funkcije preduzeća. U tom smislu je konstatovano, da su uprkos veoma sušnom ljetu, za razliku od mnogih gradova u BiH, građani i privredni subjekti u Zenici kontinuirano i bez redukcija snabdijevani pitkom vodom koja odgovara standardima koji regulišu ovu oblast. Pored toga, uredno je vršena odvodnja otpadnih voda.

Na svim sjednicama Nadzornog odbora je, u većoj ili manjoj mjeri, razmatrana problematika naplate potraživanja od kupaca za vodu i kanalizaciju i preduzimane su aktivnosti u cilju poboljšanja naplate, na šta su članovi Nadzornog odbora konstantno ukazivali.

Potrošači su se obraćali u velikom broju Nadzornom odboru sa molbama za oslobađanje od plaćanja zakonskih zateznih kamata, te su donošene odluke za otpis zakonskih zateznih kamata, gdje je to bilo u skladu sa zakonom, te gdje su postojali opravdani razlozi. Imajući u vidu da se veliki broj potrošača obratio Nadzornom odboru sa molbama za otpis zakonskih zateznih kamata kao i molbama za zaključenje ugovora za izmirenje duga na rate, Nadzorni odbor je na 10. sjednici donio Odluku o definisanju uslova i postupka za otpis kamata za sve potrošače, koja je stupila na snagu 15.07.2022. godine i primjenjivala se do 31.12.2022. godine.

Također, na svim sjednicama kroz izvještaje o potpisanim ugovorima, zaključenih u skladu sa Odlukom utvrđivanju povoljnijih uslova za zaključenje ugovora o izmirenju dospjelog duga prema javnim preduzećima („Službene novine FBiH“, br. 3/10,90/14 i 36/16), Nadzorni odbor je pratio realizaciju istih, a sve u cilju naplate potraživanja i na kraju pružanja mogućnosti oslobađanja od plaćanja zateznih kamata, onim subjektima koji se pridržavaju ugovorenih obaveza i na vrijeme izvrše plaćanje.

Preduzeće je u 2022. godini redovno izvršavalo sve svoje finansijske obaveze, bilo je likvidno i solventno u svakom trenutku. Ostvaren je ukupan prihod u iznosu od 8.984.468,30KM, rashod u iznosu od 8.169.140,08KM i na kraju godine ostvarilo pozitivan finansijski rezultat, bruto dobit u iznosu od 815.328,22KM, koja kada se umanjuje za porez na dobit u iznosu od 55.430,28KM, daje iznos ostvarene **neto dobiti od 759.897,94KM.**

Na osnovu svega navedenog, Nadzorni odbor ocjenjuje da je upravljanje i rukovođenje JP „ViK“ d.o.o. Zenica bilo vrlo uspješno.

Svi članovi Nadzornog odbora zajedno sa direktorom preduzeća su u izvještajnom periodu aktivno učestvovali na realizaciji postavljenih mjera i zadataka u Planu poslovanja za 2022. godinu, uz podršku i saradnju stručnih službi Gradskog vijeća i Gradonačelnika Grada Zenica.

Nadzorni odbor je i u 2022. godini podržavao opredjeljenje Uprave u rukovođenju preduzećem, na način kojem akumulacija dobiti nije prevashodno cilj, nego dugoročno i kvalitetno izvršavanje usluga, tj. zadovoljenje interesa građana, potrošača Grada Zenica, te širenje obima usluga, koje ovo preduzeće pruža.

U izvještajnom periodu Nadzorni odbor JP „ViK“ d.o.o. Zenica je razmatrao veliki broj pitanja iz svoje nadležnosti, te kao najznačajnije odluke i zaključke koje je donio, a tiču se poslovanja preduzeća, ističe sljedeće:

- Rješenje o usvajanju Žalbe radnika preduzeća, Smriko Sinanudina, broj: 100-47-1/22MS od 21.01.2022. godine,
- Odluka kojom se odbacuje Prigovor na Odluku o otkazu Ugovora bez poštivanja otkaznog roka u odnosu na Bilanović Husejina, broj: 100-1947/22ŠS od 03.02.2022. godine i kojom se djelimično uvažava Prigovor na Odluku o otkazu Ugovora bez poštivanja otkaznog roka, dostavljen od advokata Srđana Petrića, punomoćnik zastupanih Dedić Sedina i Doglod Sabahudina, broj: 100-1947/22 ŠS od 03.02.2022. godine,
- Odluka kojom se djelimično uvažava Zahtjev za zaštitu prava protiv Odluke o otkazu ugovora o radu bez poštivanja otkaznog roka radniku preduzeća Bilanović Husejinu, broj: 101-829-1/22 ŠS od 03.02.2022. godine,
- Odluka o usvajanju Plana poslovanja Javnog preduzeća „Vodovod i kanalizacija“ d.o.o. Zenica za 2022. godinu, broj: 100-5176-1/22ŠS od 25.03.2022. godine,
- Odluka o usvajanju Prijedloga Etičkog kodeksa Javnog preduzeća „Vodovod i kanalizacija“ d.o.o. Zenica, broj: 100-5151/22ŠS od 25.03.2022. godine,
- Prijedlog odluke o usvajanju Izvještaja o poslovanju Javnog preduzeća „Vodovod i kanalizacija“ d.o.o. Zenica za 2021. godinu, broj: 100-6559/22ŠS od 28.04.2022. godine,
- Zaključak o prihvatanju Nezavisnog revizorskog mišljenje i Finansijskih izvještaja JP „ViK“ d.o.o. Zenica za godinu koja je završila 31.12.2021. godine, broj: 100-6560/22 ŠS od 28.04.2022. godine
- Zaključak o utvrđivanju teksta Izvještaja o radu Nadzornog odbora JP „ViK“ d.o.o. Zenica za 2021. godinu, sa ocjenom stanja u preduzeću i ocjenom direktora preduzeća, broj: 100-6528-1/22ŠS od 28.04.2022. godine,
- Odluka o izmjenama i dopuni Odluke o utvrđivanju osnovnih plaća za rad u otežanim uslovima radnika JP „ViK“ d.o.o. Zenica sa utvrđenim koeficijentom složenosti i odgovornosti za obračun plaća, broj: 100-6561/22ŠS od 28.04.2022. godine,
- Odluka o raspisivanju Konkursa za izbor i predlaganje kandidata za člana Odbora za reviziju JP „ViK“ d.o.o. Zenica, broj: 100-6556/22 ŠS od 28.04.2022. godine,
- Rješenje o imenovanju Komisije za provođenje postupka izbora kandidata za imenovanje člana Odbora za reviziju JP „ViK“ d.o.o. Zenica, broj: 100-9635/22ŠS od 05.07.2022. godine,
- Mišljenje Nadzornog odbora o Prijedlogu Uprave o rasporedu dobiti JP „ViK“ d.o.o. Zenica za 2021. godinu, broj: 100-10968/22 AB od 15.07.2022. godine,
- Odluka o definisanju uslova i postupka za otpis kamata za sve potrošače, broj: 100-10270-1/22AB od 15.07.2022. godine,
- Prijedlog za izbor i imenovanje člana Odbora za reviziju Javnog preduzeća „Vodovod i kanalizacija“ d.o.o. Zenica, broj: 100-10174-1/22 AB od 15.07.2022. godine,
- Prijedlog odluke o izmjeni Statuta Javnog preduzeća „Vodovod i kanalizacija“ d.o.o. Zenica, broj: 100-11855-1/22 MS od 06.09.2022. godine,
- Odluka o utvrđivanju osnovnih plaća i uvećanja osnovnih plaća za rad u otežanim uslovima radnika Javnog preduzeća „Vodovod i kanalizacija“ d.o.o. Zenica sa utvrđenim koeficijentom složenosti i odgovornosti za obračun plaća, broj: 100-11945-2/22 ŠS od 06.09.2022. godine,
- Odluku o usvajanju Žalbe radnika Kasap Ahmeda i poništenju prvostepene Odluke te vraćanju predmeta prvostepenom organu na ponovno odlučivanje, broj: 100-12131-1/22 ŠS od 27.09.2022. godine,
- Odluka o raspisivanju Konkursa za izbor kandidata za predsjednika i članova Odbora za reviziju JP „ViK“ d.o.o. Zenica, broj: 100-13652/22 ŠS od 27.09.2022. godine,
- Odluka o odbijanju Žalbe radnika Kasap Ahmeda, broj: 100-15845-1/22 MS od 05.12.2022. godine,
- Rješenje o imenovanju Komisije za provođenje postupka izbora kandidata za predsjednika i članova Odbora za reviziju JP „ViK“ d.o.o. Zenica,

- Pravilnik o izmjenama i dopunama Pravilnika o radu Javnog preduzeća „Vodovod i kanalizacija“ d.o.o. Zenica, broj: 100-16921/22 ŠS od 05.12.2022. godine,
- kao i druge odluke i zaključke u skladu sa članom 22. Statuta JP „Vodovod i kanalizacija“ d.o.o. Zenica.

B) OCJENA RADA DIREKTORA I OCJENA STANJA U PREDUZEĆU

Djelokrug rada, prava i odgovornosti direktora kao Uprave preduzeća utvrđen je Zakonom o javnim preduzećima, Zakonom o privrednim društvima i Statutom Javnog preduzeća „Vodovod i kanalizacija“ d.o.o. Zenica, dok je nadležnost Nadzornog odbora JP „ViK“ d.o.o. Zenica da nadzire rad Uprave, te odobrava odluke strateškog karaktera.

Nadzorni odbor ocjenu rada direktora najdirektnije veže za ostvarenje poslovnih rezultata preduzeća, koje se ogleda u slijedećem:

- Urednim snabdijevanjem vodom potrošača Grada Zenice, bez ijednog dana redukcije. Ljeto 2022. godine je bilo izuzetno toplo, s dugim periodima bez značajnih padavina, tako da je suša pogodila cijelu BiH. Bez obzira na ovako nepovoljne okolnosti, JP "ViK" d.o.o. Zenica je obezbijedilo kontinuiranu uslugu vodosnabdijevanja, kao i odvodnje otpadnih voda, za sve korisnike svojih usluga.
- U 2022. godini, JP "ViK" d.o.o. Zenica je izvršilo priključenje cca 100 domaćinstava na vodovodni sistem, koji je izgrađen sredstvima Preduzeća i Grada Zenica. Imajući u vidu opisane okolnosti, kao i trenutno raspoložive kapacitete pitke vode, može se konstatovati opravdanost realizacije projekata u cilju obezbjeđivanja dodatnih količina pitke vode.
- Cijena usluge vodosnabdijevanja i odvodnje otpadnih voda, koju plaćaju građani Zenice, uključujući naknadu za fiksni trošak, je i u 2022. godini bila najniža u BiH.
- Ukupan prihod poslovanja iznosi 8.984.468,30KM i za 17,76% je veći nego u 2021. godini.
- Ukupni rashodi poslovanja iznose 8.169.140,08KM i za 11,46% su veći nego u 2021. godini.
- Pokazatelj ekonomičnosti ukupnog poslovanja Preduzeća za 2022. godinu iznosi 1,09 što dovodi do zaključka da je Preduzeće ostvarilo pozitivan finansijski rezultat tj. bruto dobit u iznosu 815.328,22KM.
- Ukupni stepen naplate Preduzeća u 2021. godini iznosi 99,60%.
- Sumnjiva i sporna potraživanja Preduzeća su smanjena za 264.628,12KM.
- Na dan 31.12.2022. godine, Preduzeće je na transakcijskim računima, oročenoj štednji i blagajnama Preduzeća raspolagalo s gotovinom u iznosu 5.547.013,09KM.
- Na dan 31.12.2022. godine, Preduzeće ima potraživanja za povrat PDV-a u iznosu 352.754,41KM, što skupa s gotovinom na računima iznosi ukupno 5.899.767,50KM.
- Imajući u vidu, da je stepen naplate i saldo raspoloživih novčanih sredstava u direktnoj vezi s održivim poslovanjem Preduzeća, ostvareni rezultat omogućava Preduzeću da normalno posluje i realizuje sve do sada preuzete obaveze.
- Pored navedenog salda raspoloživih novčanih sredstava, Preduzeće je u 2022. godini izvršilo otplatu kreditnih obaveza za Projekat BiH II u iznosu 961.702,11KM.
- U 2022. godini je također izvršena otplata naknade dospelih obaveza po kreditu EBRD za projekat "Plava voda" u iznosu 58.170,67KM.
- Sve obaveze po pitanju plaćanja: koncesija, poreza, taksi, dobavljača, plaća, doprinosa, itd., Preduzeće je izmirilo redovno i na vrijeme.
- U toku 2022. godine, Preduzeće je izvršilo investicionih ulaganja u iznosu 2.344.443,06KM. Od tog iznosa, JP „ViK“ d.o.o. Zenica je investiralo 688.629,72KM iz vlastitih sredstava, 10.172,65KM Grad Zenica, 8.794,80KM iz KfW-kredita, 1.067.134,24KM iz SECO-granta i 569.711,65KM Grant WWTP.
- Preduzeće je uspješno izvršilo sve zadatke iz svoje nadležnosti koji se odnose na dosadašnju realizaciju tri velika razvojna projekta.

- U 2022. godini došlo je do znatnog povećanja imovine Preduzeća za iznos od 3.592.489,00 KM. Na povećanje imovine Preduzeća najviše je uticalo okončanje investicija kako iz ranijeg perioda tako i investicija u toku 2022. godine, te povećanje vrijednosti potraživanja za date avanse i PDV sadržan u avansima.
- Aktiviranjem stalnih sredstava povećavaju se i troškovi amortizacije koji direktno utiču na dobit preduzeća. Najveće povećanje je evidentirano u okviru vrijednosti stalnih sredstava postrojenja i opreme te građevinskih objekata, čija je aktivacija vezana za realizaciju Projekta Bosna II.
- Na dan 31.12.2022. godine Preduzeće ima investicija u toku u iznosu od 4.376.570,00KM i za iste se očekuje okončanje u 2023. godini, što će povećavati imovinu Preduzeća.

S obzirom na navedeno, Nadzorni odbor cijeni da je direktor vodio preduzeće profesionalno i uspješno, te stalnim aktivnostima, umijećem i znalačkom poslovnom politikom nastavio ostvarivati planom postavljene zadatke i uticao da JP „ViK“ d.o.o. Zenica i u 2022. godini po svim pokazateljima (tehničkim i ekonomskim) bude primjer dobrog poslovanja preduzećima iz branše u BiH, pa i šire.

Članovi Nadzornog odbora su jednoglasni u ocjeni da je sveukupno poslovanje preduzeća u 2022. godini veoma dobro. U 2022. godini Nadzorni odbor je svoju funkciju u pogledu upravljanja i nadzora nad radom Uprave obavio uspješno, što potvrđuje činjenica da je JP „ViK“ d.o.o. Zenica i u 2022. godini bez obzira na kompletnu ekonomsku situaciju u BiH poslovalo pozitivno.

Preduzeće je i ove godine, kao i prethodnih, uredno izvršilo svoju osnovnu funkciju, kvalitetno riješilo zadatke iz svoje nadležnosti koji se odnose na dosadašnju realizaciju velikih razvojnih projekata, uredno izmirilo sve obaveze, u svakom trenutku bilo likvidno, solventno i imalo pozitivan finansijski tok te na kraju 2022. godine ostvarilo neto dobit u iznosu od 759.897,94KM.



**PREDSJEDNIK
NADZORNOG ODBORA**

Korlat Emir

Korlat Emir, dipl.ing.

Broj:100-4951/23 ŠS
Zenica, april 2023. godine